

ქ. თბილისი

07 სექტემბერი 2020 წ.

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მთაწმინდის რაიონის გამგეობა (შემდგომში – შემსყიდველი), წარმოდგენილი გამგებლის - დავით კირკიტაძე სახით და, მეორეს მხრივ, შპს „დიზაინი 2008“ საიდენტიფიკაციო კოდი: 242742911, მისამართი: წალენჯიხა, წმინდა ნინოს ქ. N127 (შემდგომში მიმწოდებელი), წარმოდგენილი დირექტორის ზურაბ კვარაცხელიას სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების (შესყიდვის) ობიექტი, შესყიდვის საშუალება,
ხელშეკრულების ღირებულება, ხელშეკრულების ძალაში შესვლა და მოქმედების ვადა

2.1 ხელშეკრულების (შესყიდვის) ობიექტია - ქ. თბილისში, მთაწმინდის რაიონის ტერიტორიაზე ბინათმესაკუთრეთა ამხანაგობების საერთო საკუთრებაში არსებული შენობის ქანობიანი და ბრტყელი სახურავების, წყალსაწრეტი მილების, შიდა წყალკანალიზაციის, სადარბაზოს, თაღის, აივნის, კიბის, კარების (ჭიშკარი) შეკეთების და სადარბაზოს სენსორული სანათების მონტაჟის სამუშაოებისათვის დეფექტური აქტების (შესაბამისი ტექნიკური დავალებით, ხარჯთაღრიცხვითა და ესკიზით) შედგენა.

2.3 შესყიდვის საშუალება – ელექტრონული ტენდერი აუქციონის გარეშე.

2.4 ელექტრონული ტენდერის განცხადების ნომერი **NAT200011732**.

2.5 ხელშეკრულების ღირებულება შეადგენს 4799 (ოთხიათას შვიდასოთხმოცდაცხრამეტი) ლარს, ყველა გადასახადის ჩათვლით.

2.6 კლასიფიკატორის კოდი - 71322100 - სამუშაოების ხარჯთაღრიცხვა სამოქალაქო მშენებლობისთვის.

2.7 ხელშეკრულება ძალაში შედის გაფორმებისთანავე და მოქმედებს 2021 წლის 30 იანვრის ჩათვლით.

3. მომსახურების გაწევის პირობები

3.1 შესყიდვის ობიექტი (ჩასატარებელი სამუშაოების ცალკეული დეფექტური აქტები) მოწოდებული უნდა იყოს შემსყიდველის მიერ გაცემულ დავალებაში მითითებულ ვადაში. შესყიდვის ობიექტის მიწოდების საბოლოო ვადაა 2020 წლის 25 დეკემბერი.

3.2 მიწოდების ადგილი – ქ. თბილისი, მთაწმინდის რაიონის ტერიტორია.

3.3. მომსახურების გაწევის დროს მიმწოდებელმა უნდა უზრუნველყოს:

- შემსყიდველის მიერ გაცემული დავალების საფუძველზე ობიექტზე გასვლა, ადგილობრივ მოსახლეობასთან ურთიერთობა, ინფორმაციის მოპოვება და მათთან მიზნობრივი კოორდინირება, აღმოჩენილი დეფექტების აღმოფხვრის მიზნით საჭირო ჩასატარებელი სამუშაოების მოცულობების დათვლა, დეფექტური აქტებისა და საჭიროების შემთხვევაში, შესაბამისი სიტუაციური და სქემატური ნახაზების მომზადება.

- ზედამხედველობა სამშენებლო სამუშაოების განხორციელების პროცესში, კონსულტაციების გაწევა და საჭიროების შემთხვევაში დეფექტური აქტების კორექტირება შემჭიდროებულ ვადებში შემსყიდველთან შეთანხმებით;

3.4. შესასრულებელი სამუშაოების შედგენისას მიმწოდებელმა უნდა იხელმძღვანელოს ქვეყანაში მოქმედი სამშენებლო ნორმებითა და წესებით. ხარჯთაღრიცხვები შედგენილი უნდა იქნას საქართველოს მთავრობის 2014 წლის 14 იანვრის N52 და N55 დადგენილებებით

გათვალისწინებული სამშენებლო ნორმების, წესების და ტექნიკური რეგულირების სხვა დოკუმენტების მოთხოვნათა შესაბამისად.

3.5. წარმოდგენილი უნდა იყოს:

- სამუშაოების დეფექტური აქტები, ხარჯთაღრიცხვები, ტექნიკური დავალებები, ნახაზები/ესკიზები

- დოკუმენტაცია დაკომპლექტებული და წარმოდგენილი უნდა იყოს ელექტრონული ვერსიის სახით (DWG და PDF ფორმატში (PDF ფაილის ზომა არ უნდა აღემატებოდეს 20მგ-ს), ხარჯთაღრიცხვა (მოცულობითი) EXCEL-ის ფორმატში და ნაბეჭდი სახით, ფონტით "Sylfaen", ხოლო ლათინური სიმბოლოები - "Calibri"-ით (სამ ეგზემპლარად).

3.6. შესყიდვის ობიექტის კონკრეტული მისამართები, გასაწევი მომსახურება და ვადა განისაზღვრება ეტაპობრივად, შემსყიდველის მიერ გაცემული დავალებების საფუძველზე.

3.7. მიმწოდებელი ვალდებულია საჭიროების შემთხვევაში შემსყიდველის მიერ გაცემული დავალების საფუძველზე უზრუნველყოს დეფექტური აქტების შედგენა ერთდროულად არანაკლებ 5 ობიექტზე.

3.8. მომსახურების სპეციფიკიდან გამომდინარე, შემსყიდველი არ იღებს ტექნიკური დავალებით განსაზღვრული მომსახურების სრული მოცულობით დაკვეთის ვალდებულებას;

4. შესყიდვის ობიექტის ხარისხი

4.1. მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში;

4.2. მიმწოდებელმა უნდა უზრუნველყოს საავტორო ზედამხედველობა სამუშაოების წარმოების პროცესში, საპროექტო დოკუმენტაციის მიხედვით კონსულტაციის გაწევა, საჭიროებისამებრ საპროექტო დოკუმენტაციის კორექტირება;

4.3 შემსყიდველი უფლებამოსილია, აცნობოს მიმწოდებელს საპროექტო დოკუმენტაციაში რაიმე წუნის (ხარვეზის) აღმოჩენის შესახებ, ხოლო მიმწოდებელი ვალდებულია, შენიშვნების გაცნობიდან არაუგვიანეს 3 სამუშაო დღის ვადაში საკუთარი ხარჯებით აღმოფხვრას საპროექტო დოკუმენტაციაში აღმოჩენილი წუნი (ხარვეზი);

4.4 საავტორო ზედამხედველობის განხორციელების ვადა მოიცავს შედგენილი დოკუმენტაციის მიხედვით მიმდინარე სამუშაოების მთელ პერიოდს, რომლის განმავლობაშიც მიმწოდებელი ვალდებულია საჭიროების შემთხვევაში დაუყოვნებლივ მოახდინოს დოკუმენტაციის კორექტირება.

5. ხელშეკრულების შესრულების კონტროლი (ინსპექტირება)

5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მთაწმინდის რაიონის გამგეობის მეორადი სტრუქტურული ერთეულის ხელმძღვანელი (თანადაფინანსებული პროექტების განყოფილების უფროსი) - ირაკლი თუმანიშვილი; თანადაფინანსებული პროექტების განყოფილების მეორე კატეგორიის უფროსი სპეციალისტი - გიორგი სტურუა და თანადაფინანსებული პროექტების განყოფილების მეორე კატეგორიის უფროსი სპეციალისტი - მიხეილ ლეჟავა.

5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

5.4 იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი.

6. შესყიდვის ობიექტის მიღება-ჩაბარების წესი

6.1 შესყიდვის ობიექტი ან მისი ნაწილი ჩაითვლება მიღებულად, გაფორმებული მიღება-ჩაბარების აქტის შემდეგ.

6.2 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინარე ხელშეკრულების მე-5 მუხლის 5.2 პუნქტში მითითებული პირები.

6.3 მიღება-ჩაბარების აქტ(ებ)ის გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება ადგილობრივი ბიუჯეტის სახსრებით, მიღება-ჩაბარების აქტის გაფორმებიდან 10 (ათი) სამუშაო დღის ვადაში, გარდა შემთხვევისა, როდესაც მიმწოდებელს დაეკისრება პირგასამტეხლო ხელშეკრულების პირობების დარღვევისათვის. ამ შემთხვევაში, ანგარიშსწორება განხორციელდება მიმწოდებლის მიერ დაკისრებული პირგასამტეხლოს შესაბამის ანგარიშზე გადახდის შემდეგ.

7.3 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 მიმწოდებელი იღებს ვალდებულებას შესყიდვის ობიექტის დავალებით განსაზღვრული მიწოდების ვადის დარღვევის შემთხვევაში, შემსყიდველს გადაუხადოს პირგასამტეხლო ხელშეკრულების საერთო ღირებულების 0,2%-ს ოდენობით ყოველ ვადაგადაცილებულ დღეზე.

8.3 მიმწოდებლის მიერ ნაკისრი ვალდებულებების შეუსრულებლობის გამო ხელშეკრულების ცალმხრივად შეწყვეტის შემთხვევაში, მიმწოდებელი დაჯარიმდება ხელშეკრულების საერთო ღირებულების 5%-ის ოდენობით და ხელშეკრულება ჩაითვლება შეუსრულებლად.

8.4 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.

8.5 ხელშეკრულების 7.2 პუნქტის მოთხოვნის დარღვევის შემთხვევაში, მიმწოდებელს უფლება აქვს მოთხოვოს შემსყიდველს პირგასამტეხლო ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე, გარდა იმ შემთხვევისა, როდესაც ეს მოხდა შემსყიდველისაგან დამოუკიდებელი მიზეზით.

8.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო

შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ, შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;
- ბ) შესყიდვის ობიექტის დავალებით განსაზღვრული მიწოდების ვადის 5 (ხუთი) კალენდარულ დღეზე მეტით გადაცილების შემთხვევაში;
- გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- დ) საქართველოს კანონმდებლობით გათვალისწინებულ სხვა შემთხვევებში.

10. ფორს-მაჟორი

10.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოიწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. უსაფრთხოება და გარემოს დაცვა

11.1 მიმწოდებელმა მომსახურების გაწევის დროს საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

11.2 მიმწოდებელი ვალდებულია დაიცვას საქართველოში მოქმედი კანონმდებლობით დადგენილი უსაფრთხოების ნორმები. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაეკისრება შესაბამისი კანონმდებლობით გათვალისწინებული ჯარიმა.

11.3 ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

12. ხელშეკრულებაში ცვლილებების შეტანა

12.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.

12.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

13. ღირებულების შეცვლის პირობები

13.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

13.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

13.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

13.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

14. ურთიერთობა ხელშეკრულების დამდებ მხარეებს შორის

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

14.2 შეტყობინება შედის ძალაში ადრესატის მიერ მისი მიღების დღეს.

15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხების თაობაზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

15.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

15.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. სხვა პირობები

16.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

17. მხარეთა იურიდიული რეკვიზიტები

შემსყიდველი:

ქ. თბილისის მუნიციპალიტეტის
მთაწმინდის რაიონის გამგეობა
ს/კოდი: 204521954
მის: მმ. ზუბალაშვილების ქ. №20
ხაზინის ერთიანი ანგარიში
სახელმწიფო ხაზინა
ბანკის კოდი TRESGE22



დავით კირკიტაძე

მიმწოდებელი:

შპს „დიზაინი 2008“
ს/კ: 242742911,
მისამართი: წალენჯიხა, წმინდა ნინოს ქ. N127
სს „ლიბერთი ბანკი“
ა/ა № GE65LB0113141529247000
ბანკის კოდი LBRTGE22

ზურაბ კვარაცხელია

ქ. თბილისში, მთაწმინდის რაიონის ტერიტორიაზე ბინათმესაკუთრეთა ამხანაგობების საერთო საკუთრებაში არსებული შენობის ქანობიანი და ბრტყელი სახურავების, წყალსაწრეტი მილების, შიდა წყალკანალიზაციის, შენობის სადარბაზოს და თაღის, აივნის, კიბის, კარების(ჭიშკრის) შეკეთების და სადარბაზოს სენსორული სანათების მონტაჟის სამუშაოებისათვის დეფექტური აქტების (შესაბამისი ტექნიკური დავალებითა და ესკიზით) შედგენა

№	გასაწევი მომსახურების დასახელება	განზომილება	სამუშაოს მოცულობა	ერთეულის ფასი	სულ მომსახურების ღირებულება (ლარი)
1	ქ. თბილისის მთაწმინდის რაიონის ტერიტორიაზე მდებარე ბინათმესაკუთრეთა ამხანაგობების საერთო საკუთრებაში არსებულ ტერიტორიაზე შენობის ქანობიანი და ბრტყელი სახურავის მიმდინარე შეკეთების, სამუშაოების დეფექტური აქტების შედგენა (შესაბამისი ტექნიკური დავალებით და ესკიზით)	მ ²	2 000	0.45	900.00
2	ქ. თბილისის მთაწმინდის რაიონის ტერიტორიაზე მდებარე ბინათმესაკუთრეთა ამხანაგობების საერთო საკუთრებაში არსებულ ტერიტორიაზე შენობის წყალსაწრეტი მილების მიმდინარე შეკეთების, სამუშაოების დეფექტური აქტების შედგენა (შესაბამისი ტექნიკური დავალებით და ესკიზით)	გრძ/მ	500	0.6	300.00
3	ქ. თბილისის მთაწმინდის რაიონის ტერიტორიაზე მდებარე ბინათმესაკუთრეთა ამხანაგობების საერთო საკუთრებაში არსებულ ტერიტორიაზე შენობის შიდა წყალკანალიზაციის მიმდინარე შეკეთების, სამუშაოების დეფექტური აქტების შედგენა (შესაბამისი ტექნიკური დავალებით და ესკიზით)	გრძ/მ	1000	0.6	600.00
4	ქ. თბილისის მთაწმინდის რაიონის ტერიტორიაზე მდებარე ბინათმესაკუთრეთა ამხანაგობების საერთო საკუთრებაში არსებულ ტერიტორიაზე შენობის თაღის და სადარბაზოს, საერთო სარგებლობის ხის და ლითონის აივნის მიმდინარე შეკეთების, სამუშაოების დეფექტური აქტების შედგენა (შესაბამისი ტექნიკური დავალებით და ესკიზით)	მ ²	3000	0.7	2 100.00
5	ქ. თბილისის მთაწმინდის რაიონის ტერიტორიაზე მდებარე ბინათმესაკუთრეთა ამხანაგობების საერთო საკუთრებაში არსებულ ტერიტორიაზე შენობის საერთო სარგებლობის ხის, ლითონის და ქვის კიბის მიმდინარე შეკეთების, სამუშაოების დეფექტური აქტების შედგენა (შესაბამისი ტექნიკური დავალებით და ესკიზით)	მ ²	200	1.52	304.00

6	ქ. თბილისში, მთაწმინდის რაიონის ტერიტორიაზე ბინათმესაკუთრეთა ამხანაგობების საკუთრებაში არსებული საერთო სარგებლობის სადარბაზოს კარების/ჭიშკრის მიმდინარე შეკეთების სამუშაოების დეფექტური აქტების შედგენა (შესაბამისი ტექნიკური დავალებით და ესკიზით)	მ ²	200	2	400.00
7	ქ. თბილისში, მთაწმინდის ტერიტორიაზე ბინათმესაკუთრეთა ამხანაგობების საკუთრებაში არსებული სახლების სადარბაზოების და თაღების სენსორული სანათების სამონტაჟო სამუშაოების დეფექტური აქტების(საპროექტო-სახარჯთაღრიცხვო დოკუმენტაციის შესაბამისი ტექნიკური დავალებითა და ესკიზით) მომზადება	ცალი	50	3.9	195.00
	ჯამი	X	X	X	4 799.00

შემსყიდველი:

დავით კირკიტაძე

მიმწოდებელი:

ზურაბ კვარაცხელია

